

紀念連震東先生

魏汝霖

連震東先生，字定一，臺灣省臺南市人。爲連雅堂先生之獨子（先生名橫，字武公，號雅堂，又號劍花。）雅堂先生於甲午戰後，攜眷回歸祖國，在廈門創辦福建日日新報，鼓吹革命，嗣以清廷忌先生之言論，飭吏部向日本領事館抗議，遂遭封閉，不得已攜眷回臺。民國初建，悲歌慷慨之士，雲合霧起，先生再歸祖國，西溯大江，至於武漢，北渡黃河，而入燕京，歷遊東北，弔日俄之戰迹，甲寅（民國三年）冬，倦遊而歸，仍居故里。「臺灣通史」之撰著，即經始於此時，越五年而成，刊行時，日本朝野頗爲重視，不愧爲不朽之名著也（註一）。民國十五年春再攜眷歸國，遊杭州，住西湖。翌年北伐軍興，全國統一後，震東先生適畢業於日本慶應大學經濟學部，先生諭震東持函晉謁張溥泉先生於南京。溥老閱後，深爲感動，因命隨侍左右。一、二八淞滬戰起，溥泉先生赴西安，力主設西京籌備委員會，以圖建設西北，爲抗日之基地，並聘震東先生爲該會專門委員，介紹加入中國國民黨。

抗戰軍興，震東先生出任西安戰地工作訓練團政治教官。卅三年夏，在渝臺籍同志，以勝利在望，電催赴渝，共商收復臺灣事宜，因攜妻帶子，辭別久住十三年之西安。在渝，應軍事委員會國際問題研究所長王芃生之聘，任該所第一組主任，從事日本戰時經濟之研究，並主編臺灣革

命同盟會發行之臺灣民聲報及臺灣問題言論集。是年多，入中央訓練團臺灣幹部訓練班受訓。民國卅四年日本投降，隨臺灣行政長官陳公洽之邀返臺。自廿年春離臺，至卅四年冬，凡十五載，始返久別之故鄉，江山依舊，景物全非，不勝今昔之感。受命接管臺北州，旋改臺北縣，出任縣長。又奉調長官公署參事，策劃各級民意機關之設立。卅五年五月，臺灣省參議會成立，震東先生出任秘書長。卅八年陳公辭修受命爲臺灣省政府主席，成立臺灣省地方自治綱要起草委員會，參加起草工作。四十一年冬，奉命爲出席聯合國第七屆大會代表團顧問赴美，會畢，考察英、法、德、義、西、瑞、日、非等國。翌年（四十二年）臺灣省政府改組，奉派爲省府委員兼建設廳廳長。四十三年奉調爲民政廳廳長，兼任秘書長。是時正推行義務兵制，按征兵制度，雖已施行於抗戰期間，但以法令欠周詳，民政配合不當，績效不彰，爲國人詬病。當今之兵役法令，乃爲抗戰勝利後，重新修訂者。作者時任兵役署設計司長，副司長爲秦修好（首任臺省兵役處長）。

震東先生推行役政，奠定臺灣兵役之優良制度，作者與有榮焉。

民國四十九年先總統蔣公在陽明山成立國防研究院，震東先生被選調第一期研究，適與作者同期受訓。結業後以成績優異，升任內政部部长

，並當選中國國民黨中央常務委員。震東先生服務省府七年，內政部六年，對於土地改革，地方選舉之策劃與執行，以及各種制度之建立，厥功甚偉。六十五年奉聘爲總統府國策顧問，六十九年再奉聘爲總統府資政。（註二）

震東先生光緒三十年甲辰（一九〇四年）出生於故鄉臺南，民國七十五年（一九八六）十二月一日病逝於臺北，享年八十三歲。夫人趙蘭坤女士，出身瀋陽望族，畢業於北平燕京大學，先後服務於教育界及教會，爲虔誠之基督徒，育一子，名戰，即當今交通部連部長。雅堂先生廿五年病歿於上海，彌留之際，諭震東曰：「今寇燄迫人，中日必一戰，光復臺灣，即其時也，汝其勉之。」雅堂畢生，盡瘁於保存臺灣文獻，冀維民族精神於不墮，其忠誠堅毅思想，流露於詩文著述間，讀者無不嘆爲三百年來海上文化長城。國人常言：「忠良必有後」。雅堂先生子忠孫賢，其斯之謂歟！

註釋

註一 臺灣通史，連橫著，臺灣省文獻委員會印，列爲臺灣文獻叢書，六十五年五月印。

註二 本文資料，採自「震東八十自述」。連震東著，臺灣中華書局印，七十二年四月出版。雅堂先生其他詩文著述甚多，見該書十九頁。